



## PRESIDÊNCIA DA REPÚBLICA

### KOMUNIKADU IMPRENSA

SUA ESELENSIA, PREZIDENTE REPÚBLIKA DEMOCRÁTIKU TIMOR-LESTE, *TAUR*  
*MATAN RUAK VETA ORSAMENTU JERAL ESTADU BA TINAN 2016*

Ohin Sua Eselensia Prezidente Repúblika Demokratiku Timor-Leste, *Taur Matan Ruak* veta proposta Orsamentu Jeral Estadu (OJE) ba tinan 2016, ne'ebe haruka mai hosi Parlamentu Nasional. Veto ida ne'e akompaña ho mensajem ba Parlamentu Nasional ne'ebe fundamenta razaun lubun ida ba veto politiku, tuir art. 88.<sup>o</sup> Lei Inan.

Sua Eselensia Prezidente Repúblika espoe tiha ona nian diskordansia konaba prioridade sira iha OJE ba tinan 2016, durante debate orsamentu iha Parlamentu Nasional. Iha tempu neba, Prezidente Repúblika manifesta nian diverjensia hasoru proposta iha OJE ba tinan 2016 ne'ebe aumenta investimentu iha projetu sira infra-estrutura nian ne'ebe laiha retornu efetivu, hanesan ZEESM ka projetu Tasi Mane nian no hatun fali despeza publiku iha setor sira hanesan Saude, Edukasaun no Agrikultura. Iha okasiaun ne'e, Prezidente Repúblika mos alerta tiha ona ba nesesidade atu promove investimentu iha bee mos no saneamentu baziku atu nune'e hadiak kondisaun baziku moris nian. Iha mensajem ida ne'e mos, Sua Eselensia alerta ba nesesidade atu garante dezvoltamentu ida ke sustentável ba Nasaun ne'e, liu hosi aumenta reseitas domestiku no hamenus gasta osan hosi Fundu Minarai, ne'ebe kada tinan ita gasta liu fali rendimentu sustentadu estimadu (RSE), liu dala rua. "Fundo de Infraestruturas" foun ne'ebe estabelese iha OJE ba tinan 2016, ne'ebe hases-an hosi regras *Lei do Orçamento e da Gestão Financeira* konaba *fundos especiais*, mos sai nudar materia análise Sua Eselensia Prezidente Repúblika nian, liu hosi mensajem ba Parlamentu Nasional.

Prosesu lejislativu konaba OJE ba tinan 2016 agora daudaun iha Deputadus sira nian liman iha Parlamentu Nasional.

Palácio Presidencial Nicolau Lobato, loraun 29 fulan Dezembru tinan 2015